

leuthen angekündigtet und volstreckt werden, auch von den gerichtten ader andern beschwerungen des probst ader vorwalters an den churfursten zcu Sachssen und seyner churfurstlichen gnaden brudern sich zcu beruffen haben, sünsten abir und ubir das soll sich das ampt auff silchen dorffern im felde und dorffe (ausserhalbten der gerichte uber
 5 halß, handt und lembdenn in den dörffern und fluren Holtzhawsen und Czugkelhawsen so dem ampt zcu richten zcustehen) nichts anmassen und die leuthe mit keyne neuerung an dinsten ader andern beschweren. Die gefangnen aber aus den dreien dörffern Cleynen Peße, Wolffshain und Czwenfurdt (dorauf dem probst die obergericht zcustehen) magk ehr kegen Leiptzk füren und daselbst vorwaren, doch dergestaldt, wue es zcu
 10 eyner rechtfertigung ader leibsstraff kummen solte, das die gefangnen wider heraußbracht und an denen örthen, do dannen sie gegenn Leiptzk gefurt, peynlich gericht gehalten, geurtelt und gestrafft sollen werden. Doch sall den gefangnen yhre rechtmessige nötturfft mit apellation ader sunst an die landtsfürsten, als den churfursten zcu Sachssen ꝛc. und seyner churfurstlichen gnaden bruder, zcu gelangen lassen freystehen.

15

456.

Herzog Moritz übersendet der Universität eine zwischen ihm und dem Kurfürsten von Sachsen zu Grimma getroffene Abrede in Betreff der polizeilichen Gewalt in den fünf Dörfern.

Dresden, 1545 Apr. 14.

Hdschr.: Copiale magnum T. I, fol. 131.

20 *Ann.: Am Rande von Borner bemerkt: Grimmisch vertragk 1545 mense aprili.*

Von gots gnaden Moritz herzcogk zcu Sachssen, landtgraff in Doringen und marggraff zcu Meissen.

Unsern grus zeuvorn. Erwirdigen, hochgelerten, liben, andechtigen und getreuen. Nachdem sich etzliche irrungen und gebrechen tzwuschen denen funff dorffern,
 25 so etwan des probst zcu sant Thomas zcu Leiptzk gewest, die wir nachmals unserer universitet daselbst zcugeeignet, an eynem und den ampten Grimme und Nawenhofe anderem teyle vorhalten und aber auf nehsten tage zcu Grimme durch unsers vettern des churfürsten zcu Sachssen und unsere rethe under anderm derhalbten eyne abrede geschehen, wie yhr dan aus inligendem artickel, den wir euch hirmit zcusenden, habt zcu
 30 vornemen, ist derhalbten unser genediges begeren, yhr wollet demselbigen allenthalben also nachgehen und euch wissen darnach zcu richten. Daran geschiet unsere gefellige meynung. Datum Dreßden dinstagk nach quasimodogeniti anno domini XLV.

Den erwirdigen und hochgelerten unsern liben andechtigen und getreuen rectorn, magistrern und doctorn unserer universitet zcu Leiptzk.

35

Fünff dörffer.

Dieweyl zcu besorgen, wue die universitet in den funff dörffern, szo des probsts zcu s. Thomas binnen Leiptzk gewest, den landtknecht aus dem ampt doselbst solten gebrauchenn die leute zcu geburlicher straffe und zcu gehorsam zcu brengen, das es irrung geben möchte, so ist bedacht, das die universitet eyne ander person ader yhrer